



太平寰宇記卷第一百六十一

嶺南道五

賀州

高州 領廣潘州

賀州

賀州

臨賀郡今理臨賀縣

禹貢荊州之域春秋時通為越地七國時

為楚地秦始皇十年置南海郡即其地也秦末趙佗王

南越其地屬焉漢武元鼎六年平南越置蒼梧郡屬交

州今州即蒼梧郡之臨賀縣吳黃武五年割蒼梧郡封

陽臨賀馮乘富川蕩山桂嶺等六縣為臨賀郡晉因之

宋文帝改為臨慶國齊復為臨賀郡陳因之隋平陳置
賀州煬帝改為臨賀郡唐武德四年平蕭銑後置賀州
天寶元年改為賀州郡乾元元年復為賀州

元領縣六 今三

臨賀

富川

桂嶺

三縣廢

蕩山入臨賀

封陽入臨賀

馮乘入富川

州境

東西三百三十里

南北五百七十里

四至八到

東北至東京三千一百六十里

西北至西京三千五百七十二里

西北至長安四千一百九十二里

東至連州三百六十六里

南至封州三百六十一里

西至韶州龍平縣三百六里

北至道州三百四十五里

東南至廣州八百七十五里

西南至梧州四百一十二里

西北至桂州五百六十里

東北至永州隔山嶺無路

戶

唐開元戶四千五百

皇朝戶主四十六百九十七客一千七百六十二

風俗

俗重鬼崇以雞骨卜漢書云越巫以雞卜有草名冠脫
高一丈葉如荷而莖中有瓢又俗多構木為巢以避瘴
氣豪渠皆鳴金鼎食所居謂之柵節會則鳴銅鼓大者
廣一丈小者三四尺好吹篳篥俚人削筋竹為箭以葉
羽之名曰圭黎

土產

黎母計二餅開寶四年准

蚺蛇膽

千金藤葉

白臘

山鍾乳有五穴

五茹穴

在臨賀縣

靡蕪穴

白鷺穴

秦穴

雷震穴

在富川縣

大障山都貴源出嘗雋夷人取血以解毒

龍鳳花紋篋新貢

臨賀縣

舊五鄉今二鄉

本漢縣因縣置郡以邑內臨水賀水為

縣名

皇朝開寶四年廢蕩山封陽二縣并寶城場入

縣。臯亭屯按荊州記云臯亭屯有青石方三丈許石

上有磨刀斧跡春夏明淨有新磨處秋冬漸生苔穢傳
云是雷公磨霹靂○大竹盛弘之荊州記云臨賀山中
有二竹大數十圍有盤石徑四五丈方正青滑如彈棊
局兩竹屈垂拂掃石上絕無塵穢未至數十里間風吹
如笙簫之音○巢竹地土有巢竹叢生大如戟堅中里
人以為矛○筲竹有毒人以為弧刺虎中之則死○幽
山在縣西十里南接蒼梧北通道州山上有古度木實
大如杯結成後數日化虫飛去○臨水源出馮乘縣西
北靈山下南流至縣界○溫泉去縣東北四十五里源
出方下山半巖在壁中出泉三道一道水熱一道水冷
一道水溫其泉石各有眼五十步作二舍引流熱泉治
瘡痍並西流入于錫溪○錫溪水在縣東北四十五里
源出錫山其水清冷人久飲則損腰脚今土人多患跛
躄○廢蕩山縣在州西一百七十里隋大業二年廢臨
賀郡置綏越縣屬始安郡續又改綏越縣為蕩山縣因
界內有蕩山為名○皇朝廢入臨賀縣為招賢鄉○早
山在縣南四十里高一千餘丈周迴三百里其山春前
花卉競發朝陽早見俗呼為早山○蕩山○祥山二山
孤峙並無連亘○祥溪水出于祥山○廢封陽縣在州
南一百四十里漢舊縣屬蒼梧郡在封水之陽因為縣

名 皇朝廢臨賀縣為信都鄉。長林山在縣東北三十五里高五百丈周迴七百里多橄欖樹似訶黎勒食之甘脆。龍水封陽有隄陂龍水深百尋大魚自擲登此門者化為龍不過者曝腮點額。廢寶城場左方下場改名寶場城出白蠟二萬九千觔今併入臨賀縣為溫泉鄉也。

富川縣

西北一百里元二鄉今三鄉

輿地志云漢舊縣屬蒼梧郡吳黃

武五年改為臨賀郡縣有富水因為縣名。皇朝割馮乘縣入縣額。富水在縣西四十里源出浮蓋山下南流入富州思勤縣其水灌注田疇居人豈贍因名富水。

○廢馮乘縣在州北一百二十里漢舊縣屬蒼梧郡隋大業二年隸零陵郡皇甫謐云舜墓蒼梧九疑山在馮乘縣東與道州營道縣接境 皇朝廢入富川縣。秦山在縣北三十里高二千餘丈南接富川北連道州吳孫權未立時此山夜忽聞有雷聲因開六洞南北可數十里出水其中有石鼓石柱石壇。仙溪水在縣南十里源出靈山此溪石上多菖蒲傳云仙人所種飲此水者得獲長壽。

桂嶺縣

東北八十二里元二鄉

輿地志云隋開皇九年東萊公王景

巡撫分興安為二縣西為桂嶺縣屬臨賀郡。桂嶺山

在縣東北一百五十里高三千餘丈東接連州北連道
州山有桂竹桂木。越王渡在縣南二十七里賀水邊
有石平正長丈餘有履迹各長九寸相傳為越王渡按
荊州記云賀水邊石上有石櫛石履俗云昔越王渡水
脫履墮櫛于此二物今猶現在。歌山馮乘有老人少
不婚宦善于謳歌聞者流涕及病將死隣人送到此老
人歌以送之餘聲滿谷數日不絕。蕪城池湮中頗出
珠玉寶器即尉佗拒防之所。梨狸狸之品類也。有
囊狸卵生大如狗。屯狸黃狸長五六尺其聲自號一
曰鷄狸。狎狸能緣木食果子色黃。雷狸聲自號色
黃蒼。掘螺狸口尖能取螺食。狗狸壯如狗尾大如
斗在草中吠人。通額狸黃黑色而有白如脂從鼻上
通額中入頭上。狝狸如狸。嚶狸色青黃聲嚶嚶聞
數里一体自有雌雄而牝牡自給其香如麝自歌山以
下皆郡內之事也

高州

高州 高涼郡今理電白縣 秦已前土地與晉康郡同漢屬合浦郡
吳置高涼郡又立高興郡晉亦如之其後悉并于高涼
齊亦為高涼郡兼置高州隋平陳郡廢而州存煬帝初
州廢屬高涼永熙二郡地唐武德初復置高州貞觀二

十三年分西平杜陵置恩州高州移治良德縣天寶元年改為高涼郡乾元元年復為高州按後荒錄云高涼郡土厚而山環遠高而稍涼故以為名大曆十一年以良德縣川原險狹不通舟楫移州于電白縣 皇朝開寶五年并良德保定二縣入電白縣仍廢潘州南巴潘水二縣并入茂名縣來屬

元領縣三

今一

電白

二縣廢

良德

保定

已上并入電白

廢潘州元領縣三

今一

茂名

二縣廢

南巴

潘水

以上并入茂名

州境

東西二百四十里

南北一百六十里

四至八到

北至東京五千二百六十里

北至西京五千五百二十里

西北至長安六千二百六十二里

東至廣州一千二百里

西至賓州九十里

南至化州三百四十里

北至廣瀧州一百七十里

東至春州三百四十里

西南至化州一百五十里

西南至賓州一百里

西南至廢潘州八十五里

戶

高州唐開元戶五千八百五十二里

廢潘州天寶戶四千三百里

皇朝兩州合為兩縣管戶主二千四百九十四

風俗

其倍生時布衣不克死則盡財殯送父子別業兄弟異財無故帶刀持矛執劍相侵則鳴春堂鳩集子弟和則殺牛市則二日一合

人物

唐高力士潘州人為驃騎大將軍封齊國公

土產

高州果下牛高二丈

驃馬牛尾

蚪蛇膽貢

孔雀

高良薑

益智子

電

元四鄉今三鄉

梁置電白即隋改為縣○廢良德縣在舊

州西北三十七里漢合浦縣地屬合浦郡吳置高涼郡

宋齊不改○廢保定縣在舊州東二百二十五里舊保

安縣唐至德二年改為保定已上二縣 皇朝併入電

白縣○茶山越南志須陽縣北五里有茶山山有熱泉

源自沸湧并服竄之不沾王化百姓荒居昔有俚豎牧

牛于野一牛歎隨而舐之舉體白淨如洗屑也旬日而

殞其牛竟為人殺而噉之者百許人一日俱變而成獸

吼喚驚懼各走入山初尚有衣裳形未甚異時知還家

後性狀稍改遂不復歸由是群兇相逐連城為患今樞

似猩猩而小于獸或能化為人形隨後化為獸謂之樞

即此類也○帽澇山在廢良德縣界北至州三十九里

當亢陽山有雲如帽即兩山下即帽澇之水焉○海南

越志平定縣界東有巨海鳴波浩蕩山驛馬似馬而牛

尾一角水犀似牛魚似龍一曰龍鯉又云宋康郡化隆

縣海高多殊鱉狀如肺有四眼六脚而吐珠又有文魮

及鹿魚文魮烏頭魚尾鳴如磬而生玉○射狼山在良

德縣界去州十里古老相傳人射狼于此○高涼山在

良德縣去州十里○射潤山○甘遠山在保寧縣界去

州一百二十里兩山相對雲雨連接以潤為名。射賴岡在電白縣界去州二十里。波浪山在良德縣界去州七十里岡壠如波浪古老相傳海沫漂成。射合岡在保寧縣界去州二十六里。帽澗水出帽澗山下。衛章水在良德縣界。進田水在良德縣界。快蛇水在保寧縣界。海水出保寧縣界南十一里接思州。馮家村馮盎即此界人也。洗氏墓高涼人乳長七尺。

茂名縣

西南八十五里舊五鄉今三鄉

古西甌駱越地秦屬桂林郡漢為

合浦郡之地隋置定川縣唐武德四年平嶺表于縣置南宕州後改為潘州仍改縣為茂名以道士潘茂姓名

為州縣也梁開平元年改為越裳縣後唐同光初復舊

皇朝開寶五年廢潘州以本州南巴潘水二縣并八茂

名割屬高州。廢潘州本南潘郡治茂名縣秦屬象郡

二漢屬合浦郡唐武德四年置南宕州領南昌定州陸

州恩地温水宕州六縣貞觀六年移理定州八年改為

潘州仍廢思城縣天寶元年改為南潘郡乾元元年復

為潘州按嶺表記潘州因道士潘茂昇仙遂以姓名為

郡縣之稱。潘山在縣東三十里其山昔有道士潘茂

于此煉丹昇仙乃以為山名。仙山在縣西南二百步

隔水亦潘茂煉丹之所今有昇真觀。霧嶺岡在縣南

五里其山下有湖水方廣二里天寶二年因大風雨湖
心忽湧出小洲至今生草木。思乾井在縣東一里潘
真人煉丹之水味甚香美煎茶試之與諸水異力士奏
取其水歸朝。高力士宅墓在縣西二百四十步力士
茂名縣人也。廢南巴縣在縣東一百里隋廢縣唐武
德五年取縣東南巴山為名。潘廢水縣唐武德五年
分置以縣界水為名。浮山其高七百尺堯時洪水泛
溢此山獨浮人居山上得免沉墊人呼為浮山。馮盎
墓在縣舊東南十五里有碑云馮府君之墓。毛山在
舊縣東二里古老相傳云昔有毛女隱此因以為名。
玄宗聖容按郡即故右衛大軍將高力士舊鄉郡有驃
騎館相傳皆因力士之名開元中詔天下鑄聖像皆一
而潘獨二力士以其本鄉故自鑄其一也。

校勘

賀州總序

吳黃武五年割蒼梧郡封陽臨賀馮乘富川蕩山桂嶺等六縣為臨賀郡

按今記蕩山桂嶺皆隋所改置黃武中不應已有蕩山桂嶺之名當是割其地而追錄之爾

隋平陳置賀州煬帝改為臨賀郡唐武德四年平蕭銑後置賀州

按隋書地理志云始安郡富川縣舊置臨賀郡平陳郡廢置賀州大業初州廢又廢臨賀綏越

蕩山三縣入富川詳此則煬帝但廢賀州及臨賀縣初無改為臨賀郡之文又今記序廢蕩山縣亦云大業二年廢臨賀郡州序所載蓋脫誤也

風俗

有草名冠脫

按爾雅名活芄恐古今語同耳

臨賀縣

廢蕩山縣

隋大業二年廢臨賀郡置綏越縣屬始安郡又

改綏越縣為蕩山縣

按隋志賀州及臨賀綏越蕩山三縣大業初皆廢入富川縣今云廢郡置綏越恐誤又蕩山及綏越乃兩邑同時皆廢今云改綏越為蕩山亦誤又按新唐書地理志蕩山天室後置是隋已廢至唐後立後更廢也今記亦缺不載

桂嶺縣 總序

隋開皇九年分興安為二縣西為桂嶺縣

按隋志桂嶺縣舊曰興安開皇十八年改名為今云分為二縣或恐既分而又合為一史但

據改名之歲併書之耳當攷

嶺南道六

桂州

桂州始安郡今理臨桂縣禹貢荊州之域春秋時越地七國時服於

楚戰國時為楚越之交境秦始皇三十三年發諸嘗逋

亡人贅壻賈人畧取陸梁地是為桂林郡二漢屬零陵

蒼梧二郡吳甘露元年于桂林置始安郡東晉孝武帝

改為始建郡宋不改蕭齊復為始安郡梁天監六年立

桂州于蒼梧鬱林之境無定理處大同六年移桂州于

今理隋平陳廢始安郡所領縣並屬桂州乃置總管府

大業元年廢總管府置都尉府三年罷州為始安郡唐

武德四年平蕭銑復置桂州總管桂象靜融樂賀荔南

昆龍九州并定州一總管其桂州領始安福祿經化興

安臨源永福陽朔歸義宣風象十縣尋改定州為南尹

州其年又置欽州總管隸桂府五年置南恭燕梧三州

隸桂府九年置晏州隸桂府貞觀元年又以欽玉南亭

三州隸桂府二年省玉州南亭州五年置賓州隸桂府

六年又以尹藤越白相繡鬱姜南岩南方南簡南晉十

二州隸桂府其年置夔州都督亦隸桂府其年廢龍鬱

二州八年改越州為廣州南簡為橫州南方為澄州南

岩為潘州南晉為邕州尹州為貴州靜州為富州樂州
為昭州南昆為柳州銅州為容州廢福祿歸義二縣十
年廢姜州十二年廢晏州以建陵縣來屬廢荔州以荔
浦崇仁二縣來屬省宣風縣今督桂昭賀富梧藤容潘
白廉繡欽橫邕融柳貴十七州天寶元年改為始安郡
依舊都督府至德二年九月改為建陵郡乾元元年復
為桂州刺史充經畧軍使北界有越城嶺今謂之臨源
嶺即五嶺三一也

元領縣十

今十二內一場

臨桂

靈川

興安

陽朔

永福

修仁

理定

慕化

荔浦

豐水

義寧

古縣

州境

新置

新置

東西六百里

南北五百五十里

四至八到

北至東京陸路三千六百七十九里水路四千六百三十里

北至西京陸路三千四百五里水路四千三百二十三里

北至長安三千七百五里

東至昭州陸路三百三十里
南至象州陸路五百二十里
西至柳州五百四十里
北至道州陸路四百八十里
東南至賀州五百三十一里
西北至融州陸路四百九十里
東南至梧州水路六百三十里
西北至西演嶺接叙州朗溪縣界一百五十里

戶
唐開元戶一萬七千五百九十七

皇朝戶主一萬六千七百一十九客七千七百一十九

風俗

按漢書云吳越之君皆好勇故其民皆好用劍輕死易發又火耕水耨人食魚稻以魚獵山伐為業果蓏蠃蛤食物嘗足故器窳偷生而無積聚飲食還給不憂凍餓亦無千金之家信巫鬼重淫祀

人物無

土產

朱砂 冷石 零陵香 桂心 銀
麋皮 簞 銅器 蚺蛇膽

臨桂縣

元十州所治漢始安縣元鼎六年置屬零陵郡吳

分置始安郡梁置桂州隋末復為始安郡縣界有離水一名桂江有荔水亦曰荔江其江源多桂不生雜木故秦時立為桂林郡唐至德二年改為臨桂縣。道遙樓在州城東角上軒楹重疊俯視山川宋考功陪王都督登樓詩云晦日登樓望江山一半天即此也。迴瀉堤在城東南十五步桂西江岸水自嶺南流桂嶺去州二百餘里水勢極高每年三月至五月大水暴漲淹浸城池唐貞元十四年刺史王拱築此堤長五百四十五步以捍水勢居民免墊溺之患。駁鹿山一名福祿山在

州東北一十五里。離山在城南三里離水之陽因以名焉一名沉水山其山孤拔下有澄潭上高三百餘尺周迴二里可容五百家傍有洞穴廣教丈南北直透上有怪石欹危藤蘿縈茂世亂民保以避寇旱或禱祈頗靈。○隱山在州之西郊先是秦莽翳薈古莫知者唐寶曆初李渤出鎮遂尋其源見石門半開有水淵激乃夷薙蕪穢踈通巖穴石林磴道若天造靈府不可根本因號隱山。○彈丸山在縣東二里隔離水接灑水酈元水經注云山有湧泉奔流迅激東注于漓水山龕及溪中有石如彈丸因以為名驗其山高十餘丈周迴三四百

復有石竇下深數丈洞穴深遠莫究其極。獨秀山在城西北一百步直聳五百餘尺周迴一里平地孤拔秀異迥出郭中下有洞穴凝垂石乳竇路通山北傍迴百餘丈豁然明朗宋光祿卿顏延年收此郡嘗于此石室中讀書賦詩云未若獨秀者嵯峨郭邑間。南溪山在縣南五里其山聳拔千尺烟翠凌空其溪東注與桂江合流沂五里却合陽江直抵隱山縈帶二十餘里通舟楫于二江之上下。灘水一名桂江出臨源縣東南陽海山漢志零陵縣陽海山灘水所出漢武帝討南越遣歸義越侯嚴為戈船將軍出零陵下灘水。湘水今名

小湘江源出臨源縣陽海山湘灘同源出分為二水水在全義嶺上南流為灘水北海為湘水羅含記云湘水出于陽朔則觴為之舟至洞庭日月若出于其中。其水在靈川縣北三十里其源出融川北界潭洞涓流引派百餘里經靈川縣西南穿過大山下縈迴五百餘步江濶十丈深一丈東流經甘棠驛南而東注灘水今邑人呼為甘泉即此水也。陽江在縣南二里源出靈川縣界思磨山下東流百餘里漸勝舟楫經郊郭之中東流合于桂江。紫家洲在子城東南百餘步長河中先是紫家所居因以名焉每經大水不曾湮沒相傳言浮

也又云昔歐陽都護故土流下成此洲。顏延之宅在獨秀山下按山在郭中居子城正北百餘步高聳約十二丈周迴一里餘迥出郭中下有巖谷舊有宋時名儒顏延之宅讀書亭後為從事所居往往見精靈居者罕寧。歐陽都護故在府北郭外松林盡處唐初安南都護名善贊本靈川人也舊宅今聖壽寺是也有廟在寺北垣下。會仙里南去縣五十里舊有群仙會于此輜軒羽駕遍于碧空竟日而去里人聚狀聞之名為會仙里。雙妃冢高十餘丈周迴二里舊傳二妃尋舜而卒葬于此處塚高十餘丈。伏波廟在郭中府之東北二

里即馬伏波之祠唐乾符二年勅封為昭靈王。越王廟鄉黨祈禱之所。舜廟虞山之下是舜祠設廟之處有潭號曰皇潭言舜南巡遊其潭因名

靈川縣

東六十里元十鄉

唐龍朔二年分始安縣置東臨江。冷

石山在縣西南一百里出滑石。堯山在府城東北四十里按史傳堯封履不到蒼梧以其西與舜祠相對邑人慕舜之風遂名為堯山。銀江水源出西山下東流合灘水

興安縣

北一百五十里元五鄉

本漢始安縣地隋置臨桂鎮唐武德

四年析始安置臨源縣大曆三年上將萬重光誘臨桂

等九縣構逆唯臨源縣獨守臣節改為全義縣

皇朝太平興國二年避

御名改為興安縣。湘水出縣東南八十里陽海山水
計北流經縣理東又北流入永年界。陽海山在縣城
北一百七十里屬興安縣按酈元水經云陽海山一名
陽朔山其水自永州零陵縣西南迤邐崗巒連亘不絕
此山即湘離二水之源南為離水北為湘水即此水也
○龍蟠山在郡城東北一百七十里屬興安縣本名盤
龍山天寶六載勅改為龍蟠山有石洞洞門數里人秉
燭遊于迴溪泥沙中嘗見龍跡其大如盃洞中之水有

魚四足而有角人不敢傷恐致風雨嶺表錄異云全義
嶺之西南有盤龍山山有乳洞斜貫一溪瓊為靈水溪
入靈川縣界溪內有魚皆修尾四足丹其腹遊沫自若
漁人不敢捕之爾雅云鯢似鮪四足聲如小兒今高州
山溪內亦有此魚謂之鮪魚即此類也。越城嶺一名
始安嶺在縣北三里即是五嶺從東第五嶺。秦鑿渠
在縣南二十里本離水自柘山之陰西北流至縣西南
合零渠五里始分為二水昔秦命御史監史祿自零陵
鑿渠至桂林故漢歸義越侯嚴為戈船將軍出零陵下
離水即至此郡國志後漢伏波將軍馬援開湘水為渠

六十里穿度南城今城南流者是因秦舊瀆耳至唐寶曆初渠道崩壞舟楫不通觀察使李渤遂壘石造堤如鐔背劈分二水每水置石斗門一使制之在人開閉開澗水則全入于桂江擁桂江則盡歸湘水又于湘水鑿分水渠三十五步以便行舟澗水經縣郭中而流○陽海山在縣南乃澗湘二水之源也流至縣北三百步分流北為湘江南為澗江其山下有廟後封為廣濟侯

陽朔縣

南一百四十里元二鄉

本漢始安縣地隋開皇十年置在澗

水東二十里永樂水西○鳥澗郡國志云陽朔縣有夷人名鳥澗在深山洞內能織班紋布以射翠取羽割蜂

採珠為業○竹皇祠郡國志云竹皇者女子浣衣水次有三節竹流入足間推之不去其中有聲破之得一男兒養之有材武遂雄諸夷今寧州始興三狼鳥澗即竹皇之裔故有竹王三郎祠于此地

永福縣

西南一百一十里元二鄉

本漢始安縣隋開皇十一年割始安

縣永福鄉于廢龍口戍置○白石水東北自臨桂縣來經縣理東又西南入理定縣界○永福山在邑界

修仁縣

南北三百四十里元二鄉

本漢荔浦縣地吳孫氏置建陵縣梁

武帝立為郡隋開皇十年廢郡為縣唐長慶三年桂管觀察使殷侑奏縣名與肅宗陵號同今縣有修仁鄉請

改為修仁縣。○連水出縣北建山南流經縣東。○駱駝水在縣西七里源出龐山下西南流注于連水。○崇仁水源出謝山東流合白石水。

理定縣西南三百里元四鄉本漢始安縣地隋仁壽初分置興安縣

唐至德二年改為理定縣。○蘭麻山屬縣界在府城西南二百里從府西向柳州路經此山過溪百餘里方至平路山中有毒出路尋溪水行其溪水有伏流有平流峭絕險隘更無別路其山自衡岳迤邐南亘于邵州融州等界到此過入柳州象州山濶一百里高二十餘里。○橄欖山在邑界。

慕化縣

西南二百里二十鄉本漢潭中縣地晉太康元年分吳所

置武豐縣置長安縣于此蕭齊又于縣理置長安成梁

大同八年于縣置梁化郡改長梁縣為梁化縣十八年

改梁化縣為經化縣大業二年省唐武德四年復置純

化縣永貞元年十二月改為慕化縣以避憲宗廟諱梁

開平元年復為歸化縣後唐同光初復為慕化縣。○長

安水源出縣西南二十九里須離山東北流經縣南又

經縣東屈而東南流經福水西又南注白石水

荔浦縣

南二百四十里元二鄉本漢縣屬桂林郡唐貞觀三年於此

置荔州十三年州廢復為縣以隸桂州在荔江北以江

為縣名。○卧石郡國志云其形似人而舉體青黃隱起或謂之石人。可以祈雨。小舉即雨小。大舉即雨大。○建水水口有尉佗伏波二廟。○湘水即小湘江也。○荔江山。○荔溪地記云荔溪原多桂。桂所生處不生雜木。樵採皆桂。○方山對九嶷山。高下相類。

豐水縣

南二百一十里元二鄉

本漢荔浦縣地。隋置永豐縣。唐長慶

三年觀察使殷侑奏與信州永豐縣同。今縣下有豐水。請改為豐水縣。○豐水源出思君山下。○姜女山。○白面山皆在邑內。

義寧縣

東八十里元一鄉

晉天福八年析靈川縣歸義為場後昇

為義寧縣

古縣場

西南一百五十里十鄉

唐乾寧二年分慕化縣三里一鄉為

古縣場。○南越志云桂林郡本治陽溪。今移在鬱江口。

有銅鼓灘是也。武熙縣有桂山。園山本草云桂生山谷。久服令身輕。又平陽縣有陽溪。在縣西數百里。伏流通于岷山。又云潭中縣二百里。則桂林故郡所理也。○中流留縣秦置也。次三百里。至于江。則桂江口也。與鬱林合浦水並歸于海。建興三年諸葛武侯南征。遂分建寧牂牁二郡地立興古郡。延康元年步騭將交州兵出自

長沙起于此道故吳書曰權遣呂岱代騰將交州義士
萬人出長沙會立德東下武林蠻夷蠢動命騰上益陽
劉既敗績而零陵桂林諸郡猶相驚擾騰周旋征討皆
平之有古終藤俚人以為布故書曰息夷卉服此之謂
也

太平寰宇記卷第一百六十二

校勘

桂州

臨桂縣

紫家州

永福縣 總序

隋開皇十一年割始安縣永福鄉於廢龍口戍置

按新舊唐書地理志桂州永福縣武德四年析
始安置元和郡縣志同隋志始安郡無永福縣
今云隋開皇十一年置未知據何書

太平寰宇記卷第一百六十三

嶺南道七

南儀州

新州

賓州

昭州領廢富州

蒙州

潯州

南儀州

南儀州連城郡今土地所屬自秦以前與潯州同漢置蒼

梧郡今州即蒼梧郡之猛陵縣地也猛陵縣今梧州界

隋為永熙郡之永業縣唐武德五年江表底定於此置

南義州及四縣貞觀元年州廢以所領縣入南建州二

年復置義州還以故縣來屬五年廢義州又以縣屬南
建州六年復置義州又割故縣來屬天寶元年改為連
城郡乾元元年復為義州

皇朝開寶四年平南越廢入賓州至六年復置從民之
便其三縣仍併為一縣太平興國初改為南儀州

元領縣三

今一

岑溪

二縣廢

連城

永業

州境

東西八十里

南北九十里

四至八到

西北至東京七千餘里

西北至西京約七千餘里

東北至長安取康州路七千五百里

東至梧州嶂嶺一百七十里

西至容州六十五里

東北至藤州二百里

北至廣州水路一千九百里

南至容州普寧縣界二十里

西南至容州九十五里
東北至梧州五百里

戶

唐開元戶九百二十九

皇朝主客六百三十八丁
本州只供丁不供戶

風俗

俗不知歲唯用八月酉日為臘長幼相慰賀以為年初
每月中旬年少女兒盛服吹笙相召明月下以相調弄
號曰夜泊以為娛二更後匹耦兩兩相携隨處相合至
曉則散男兒以白布為頭巾女兒以布為衫

土產

出縮紗

岑溪縣

舊三鄉今四鄉

州所理漢猛城縣屬蒼梧郡唐武德四年

置龍城縣于縣置南義州貞觀初廢二年復置義州領

龍城縣義連城義城四縣至德中改安義為永業龍城

為岑溪○廢永業縣在州東北一百里舊安義縣至德

年中改○廢連城縣在州東南八十里武德五年分龍

州之正義縣置以上二縣 皇朝廢入岑溪縣○龍城

砧山形似砧也○羅山山有冷泉飲者愈熱病○龍驤

水昔龍驤將軍陳隱鎮此因名也○馬頭嶺○岑溪皆

在郡城○麻場新置

新州

新州新興郡今古越地秦始皇畧取陸梁地置象郡今州

則其地也漢為合浦郡之臨允縣晉穆帝永和七年分

蒼梧郡于此置新寧郡輿地志梁武帝割廣州新寧一

郡立新州隋為信安郡唐武德四年平蕭銑復置新州

天寶元年改為新昌郡乾元元年復為新州

元領縣三

今一

新興

二縣廢

索盧

舊廢

永順

今并入新興

州境

東西二百七十四里

南北二百九十五里

四至八到

東北至東京水路五千四十一里

西北至西京五千四十一里

西北至長安取端州路五千二里

東至廣州二百七里

西至康州悅城山為界一百三十里

南至恩州三百八十里

北至端州一百三十五里

東南至廣州又寧縣五十四里

東北至端州一百一十里

西北至舊勤州一百六里

西南至春州二百六十里

戶

唐開元戶二百五十

皇朝戶六百八十七客一百二十一

風俗

俗以雞骨占吉凶漢書云越巫以雞卜此也衣服即都

落古貝蕉布豪渠之家喪祭則鳴鑼鼓召衆則鳴春堂

巧作木疊藤帽五色藤箱席

土產

金舊貢

牛黃

紵布

都落布

銀山出銀爾雅云白金謂之銀其美者謂之鑠盧循採

之山多香木謂之蜜香辟惡氣殺鬼精

新興縣

舊十二鄉今四鄉

漢臨允縣屬合浦郡晉置新寧郡梁置

新州○廢永順縣在州四十五里唐武德四年析新興

縣置皇朝并入新興○廢索盧縣唐武德四年析新

興縣置今廢○桂山在新會縣西南三十四里南越志

云此山鳥則翡翠孔雀獸則玄猿鼯鼠。利山在新會縣東一百七里南越志云此山多沉香木。南海在新會縣南一百五十里有穿洲襟帶甚遠山挺方木水舍珠母海人以為鮓醬秘之而餌其肉又洲有火齊雲母又云有浮石又曰海昌郡咸寧縣有穿洲其上多綸木注云似裘皮可以為綿但獠緝以為絮。三章溪南越志云允吾縣南有三章溪溪有三源也

竇州

竇州懷德郡今理信宜縣古越地秦屬海南郡漢屬蒼梧郡隋為永熙郡唐武德四年置南扶州及五縣以獠反寄治瀧州

貞觀元年廢以所管縣並屬瀧州二年獠平復置南扶州自瀧州還其故地五年復廢縣隸瀧州六年復置以故縣來屬其年改南扶州為竇州以羅竇洞為名天寶元年改為懷德郡乾元元年復為竇州

元領縣四

今一

信宜

廢三縣

懷德

潭峩

特亮

併入信宜

州境

東西一百三十里

南北一百六十里

四至八到

西北至東京五千里

西北至西京五千三百五十五里

西北至長安取瀧康東路六千二百二十一里

東至高州一百里

西至舊潘州一百六十里

西至舊潯州二百五十里

北至南儀州二百二十里

東北至舊瀧州二百四十里

西北至容州一百二十里

正北西至南儀州二百二十里

西南至舊潘州八十里

東南至本州長樂里連接高州良德鄉界

戶

唐開元戶三百八十八

皇朝管戶六百二十八只言主戶

風俗

穀熟時里開同取戌日為臘男女盛服椎髻徒跣聚會
作歌悉以高欄為居號曰干闌三日一市

土產

苔蘚香樹生冬時採葉煎之氣甚芳澤尤宜洗皂衣

信宜縣

舊二鄉今四鄉

漢端溪縣地屬蒼梧郡隋為懷德縣唐武

德四年析懷德縣置信義縣仍置南扶州貞觀中改為

賓州取界內羅賓為名

皇朝太平興國初改為信宜○廢懷德縣在州東六十

里本屬龍州後來屬○廢潭峩縣在州西北八十里唐

武德四年分信義縣置○廢特亮縣在州西七十里唐

武德四年分信義縣置已上三縣 皇朝開寶中廢入

信宜○潭峩山在水中峩峩為○特亮山在河洞水北

昔有白牛夜出光影照林村人以牛光影為特亮○河

洞水

昭州

昭州

平樂郡今理平樂縣

秦為桂林郡地本平樂縣漢屬蒼梧郡宋

屬始建國齊屬始安郡梁置樂州隋為始安郡之平樂

縣唐武德四年平蕭銑置樂州領平樂永豐恭城沙亭

四縣貞觀七年省沙亭八年改為昭州取潭為名按湘

南記云長沙郡本潭州亦取昭潭為名則彼此皆有昭

潭郡北有昭岡潭只在江中潭蓋以岡為名天寶元年

改為平樂郡乾元元年復為昭州 皇朝開寶五年併

永平縣入平樂仍廢富州之思勤馬江二縣入龍平一

縣來屬

昭州元領縣三

今二

平樂

恭城

一縣廢

永平

併入平樂

廢富州元領縣三

今一

龍平

二縣廢

思勤

馬江

併入龍平

州境

東西一百九里

南北二百一十里

四至八到

東北至東京四千二百里

西北至西京四千六百七十五里

東北至長安四千九百三十五里

東至賀州三百里

南至夔州三百五十里

北度嶺至永州六百里

西至石脚村三十三里接桂州陽朔縣界

東南至賀州富州縣界十六里

東南至象州三百五十里

西北至桂州荔浦縣八十里

東度嶺至道州四百三十里

戶

昭州唐開元戶二千三百三十四

廢富州唐開元戶一千二百九十

皇朝都管戶主三千七百八十客一千三百四十

風俗

與賓州同

土產

壽竹 紅蕉

平樂縣 一邕州所理漢荔浦縣地屬蒼梧郡晉置平樂縣

唐貞觀二年省沙亭縣併入也。木客郭仲產湘州記

平樂縣紫山多曲竹有木客形似小兒歌哭行坐衣服

不異于人而能隐形山居崖宿至精巧時出市易作器

人亦無別就人換借皆有信義言語亦可解精別木理

也。目巖山在縣北三十五里盛弘之荊州記云平樂

縣西南數十里有山其岩間有兩目如人眼極大瞳子

白黑分明因名為目岩山。平樂江在縣東八十里江

中有懸藤灘犁壁湍。荔浦江在縣西五里桂州荔浦

縣流入當州。○廢沙亭縣在州西三十五里。唐證聖元年置。聖曆二年廢。○廢永平縣在州東九十里。隋舊縣屬藤州。唐屬昭州。

皇朝開寶五年併入平樂縣。○沙亭水在舊縣西北出

陽海山

恭城縣

東北九十里

唐武德四年析平樂縣置

龍平縣

一百六十二里

漢臨賀縣地。吳置臨賀郡。梁分臨賀

置南靜郡。又改為靜州。仍改南靜郡為龍平縣。屬富州。

唐武德九年廢安樂。博羅歸化三縣入之。

皇朝開寶五年廢富州。以思勤馬江二縣併入龍平縣。

隸昭州。○廢富州城本開江郡。理龍平縣。秦桂林郡地。

漢屬蒼梧郡。之臨賀縣。吳孫權置臨賀郡。梁武分臨賀

置南靜郡。陳為靜尉。郡。隋始安郡之龍平縣。唐武德四

年平蕭銳置靜州。領龍平博羅歸化安樂開江豪靜蒼

梧七縣。尋又分蒼梧豪靜開江三縣置富州。九年省安

樂縣。貞觀八年改為富州。以富川水為名。天寶元年改

為開江郡。乾元元年復為富州。移于古武城。郡為理所。

○潭九溪溪中石如彈丸。鰕魚有四足。舍水仰天不動。

鳥就食因而吞之。○盧耽廟在縣界。○鼈鼠山多麓竹。

麓音

歲竹刺多池潭中有鼠鼈食之一名竹鼠。○白土坑

嶺表錄云白土坑在富州城北隅其土白膩郡人取以
為貨終古不竭今五嶺婦女率皆用之為粉又名鉛粉
○廢安樂縣在縣東北五里○廢歸化縣在縣北三十
五里○廢博羅縣在縣北三十二里已上三縣唐武德
九年廢○廢馬江縣在縣南一百里隋開江縣唐長慶
三年桂管觀察使殷侑奏以開州有開江縣名同按圖
經云其江是後漢伏波將軍馬援所開請改為馬江縣
從之○廢思勤縣在縣北一百四十里漢臨賀縣也已
上二縣 皇朝開寶五年併入龍平

蒙州

蒙州

蒙山郡今土地所屬與桂州同漢武帝平越置蒼梧

郡今州即蒼梧郡之荔浦縣地隋開皇十年置始安郡

隋化縣唐武德四年置南恭州割荔州之立山東區經

義三縣分置嶺鎮縣貞觀八年改為蒙州取州東蒙山

為名十二年省嶺鎮入立山天寶元年改為蒙山郡乾

元元年復為蒙州州東蒙山下有泉源流為蒙水山下

人多姓蒙

元領縣三

立山 正義

東區

州境

東西

南北

四至八到

西北至東京五千六百七十五里

西北至西京五千七百九十二里

西北至長安五千五百一十二里

東至舊富州九十里

西至龔州三百五十里

西北至桂州九十里

北至桂州三百三十里

西南至龔州三百五十里

東南至梧州嶺九十里

西北至桂州荔浦縣八十里

東北至舊賀州富川縣北都洞二百里

戶

唐開元戶一千五十九

皇朝戶主二千五百七十七客八百一十二

立山縣 二鄉

州所理漢荔浦縣屬蒼梧郡隋分荔浦置隋

化縣唐武德四年改為立山于縣置荔州尋改為恭州

貞觀八年改蒙州理此邑

正義縣

西北二十三里有二鄉

唐貞觀五年置經義縣屬荔州永貞

元年改為正義避憲宗之諱

東區縣東南八十里唐武德五年分立山置荔州貞觀六年

屬鸞州十年改為蒙州郡國志云有蚺蛇大數丈圍可

一丈吞鹿食之鹿爛繞樹腹中骨穿鱗出又有大魚如

鱮有鳥名山鶴毛羽朱素鮮明皎然可愛禮謂鶴雉是

也

潯州

潯州潯江郡今秦屬桂林郡漢以後並屬鬱林郡隋為鬱

林郡之桂平縣唐貞觀七年置潯州領桂平陵江大賓

皇化四縣十二年廢潯州以四縣屬鬱州尋復置潯州

以桂平大賓皇化來屬省臨江入桂平縣天寶元年改

為潯江郡乾元元年復為潯州

元領縣三 今一

桂平

二縣廢

皇化

大賓已上二縣併入桂平

州境

東西五百里

南北一百九十里

四至八到

東北至東京四千八百里

東北至西京五千七百里

北至長安取梧桂路五千九百六十里取象州路四千

四百三十五里

東至龔州一百二十里至廣州水路九百二十五里

西至邕州七百二十里

南至容州四百二十五里

北至象州二百一十里

東北至龔州大同縣界二百二十里

西南沂流至貴州二百二十五里

西北至象州陸路二百一十里

東南至廢繡州八十里又置阿林縣一百二十里

戶

唐開元戶一千九百三十

皇朝戶主三百三十二客八百八十一

風俗無

土產

不出絲蠶

桂平縣舊一鄉今二鄉漢布山縣鬱林郡所治隋為桂平縣唐武

德二年屬貴州貞觀初屬鬱州七年屬潯州十二年州

廢屬龔州後復置潯州于此。廢皇化縣在州東三十

里漢阿陵縣屬鬱林郡隋置皇化縣後廢貞觀七年復置龔州又復屬潯州○潯江在縣北二十步通州東五里合鬱江○廢大賓縣在州東四十里漢布山縣地已上皇化大賓 皇朝開寶五年併入桂平縣○堂牛布山故縣地有堂牛常與蚶同穴角如玉光瑩堪作酒罇其牛嗜鹽民以皮裹手塗鹽入穴探之舌溢者是牛稍稍引出舌滑者是蚶出則殺人

太平寰宇記卷一百六十三

校勘

昭州

平樂縣 搃序

唐貞觀二年省沙亭縣併入也

按新唐書地理志平樂縣武德四年析置沙亭縣貞觀七年省今記不載置沙亭之始又以七年為二年恐悞又下文序廢沙亭縣云唐證聖元年置聖曆二年廢與搃序不合當是記最後廢置前後互見耳

太平寰宇記卷第一百六十四

嶺南道八

康州 領廢瀧州

梧州

康州

封州

康州

晉康郡今理端溪縣

秦屬南海郡二漢屬蒼梧郡晉分置晉康

郡宋齊以下因之隋平陳廢晉康郡以所領縣屬端州

大業三年罷州為信安郡今高要郡是也唐武德四年

分置南唐州都督府督端康封新寧等州九年廢都

督府及康州貞觀元年又置南康州十一年廢十二年

又置去南字天寶元年改為晉康郡乾元元年復為康州 皇朝開寶五年平廣南仍廢康州諸縣入端溪縣 隸端州尋復舊從部民之告請也至六年又廢瀧州開 陽建水鎮南等三縣入瀧水一縣來屬康州

康州元領縣四

今一

端溪

三縣廢

晉康

悅城

都城

已上三縣廢入端溪

廢瀧州元領縣四

今一

瀧水

三縣廢

開陽

建水

鎮南

已上三縣併入瀧水

州境

東西三百三十五里

南北五百九十里

四至八列

北至東京四千七百六十里

西北至西京舊圖經五千一百五十里

西北至梧州一百三十里

南至高州五百八十里

北至廣州化善縣一百九十里

東北至新州新興縣一百八十里

東南至賓州三百二十里

東北至廣州懷集縣二百里

西北至封州一百里

戶

康州唐開元戶八千

廢瀧州唐開元戶七百一十四

皇朝管二州戶主客共一千四十九

風俗

康龍一同並夷獠相雜

康州土產

大甲香

鈎藤

烏藥

鮫魚皮

荆陽樹一名承樹皮白味如脂異物志云斯調州有木

名摩樹汁如脂

廢瀧州土產

舊貢石斛 其土草多卷施拔心不死離騷謂之宿莽

出禹餘糧 巢有沙棠山經云其味如李而無核食之

使人不溺又有古斗樹猶番禺多荔枝

端溪縣

今四鄉

漢舊縣屬蒼梧郡晉于縣分置晉康郡隋廢

郡併入端州唐武德後分置康州。端山吳錄云端溪

縣有端山輿地志云有樹冬榮其子號曰猪肠子大于
枉即此也。○定林山下有石方正似床其傍羅生部子
堪食又有金林山一名思黃山里人有岑班者入山採
伐遇一寶珠圓徑五寸始以為石遂取以歸及夜光明
照燭舉柵朗然里人甚懼以火燒之光雖少損頓更明
徹猶照一室如白日也有客請之千金遂秘而不出也
○廢晉康縣在州西南七十里本隋安遂縣唐至德二
年改為晉康。○廢悅城縣在州東八十里本隋樂城縣
屬端州唐武德五年割屬康州改為悅城縣今為悅城
鎮。○廢都城縣在縣西南四十五里漢端溪縣地已上

三縣併入端溪縣今為都城鎮。○思耆山。○程溪水在
都城縣東百步亦名零溪水南越志云昔有温氏媪者
端溪人也嘗居澗中捕魚以資日給忽于水側遇一卵
其大如斗乃將歸置器中經十許日有一物如守宮長
尺餘穿卵而出媪因任其去留稍長五寸便能入水捕
魚日得十餘頭再長二尺許得魚漸多常遊波中滌河
媪側媪後治魚誤斷其尾遂逡巡而去數年乃還媪見
其輝光炳耀謂曰龍子今復來也因得之蟠旋遊戲觀
馴如初秦始皇聞之曰此龍子也朕德之所致詔使者
以玄珪之禮聘媪媪惑土不以為樂至始安江去端溪

千餘里龍輒引船還不踰夕至本所如此數四使者懼
而止卒不能召媪媪殞葬于江陵龍子常為大波至墓
側紫浪轉沙以成坎土人謂之掘尾龍今南人謂船為
龍掘尾即此也○龍母媪墓在悅城鄉東

瀧水縣

東北一百八十里
舊二鄉今四鄉

本漢端溪縣地屬蒼梧郡晉分

端溪立龍鄉縣即今州理梁分廣熙郡置建州又分建
州之雙頭洞立雙州隋改龍鄉為平原縣又改為瀧水
縣○廢開陽縣在縣東三十五里本隋廢縣唐武德四
年分瀧水至今為開陽鎮○廢鎮南縣在縣北九十里
本隋永安縣唐至德二年改為鎮南縣今為鎮南鄉○

廢建水縣在縣北六十里唐置已上三縣 皇朝開寶

六年廢入瀧水縣併廢州額仍隸康州今為建水鎮○

廢瀧州本開陽郡土地所屬自漢以上與康州同晉分

端溪置龍鄉縣今州即其地南越志云龍鄉縣屬廣熙

郡梁大同中分廣熙置建州又分建州之雙頭洞立雙

州即此是也隋煬帝初廢州置永安郡唐武德四年平

蕭銑置瀧州天寶元年改為開陽郡乾元元年復為瀧

州○廢永安縣唐武德四年于安遂縣置華丘州領安

遂永安安南永安四縣貞觀中廢樂州以永安屬瀧州

本隋永安縣武德五年改為永安○三石今名三奠

石。○鼎石神郡國志云有鼎石之神在江中隨波出沒
即赤松子鍊水玉金丹處側有赤松子祠存。○思勞洞
有思勞之水出焉。○按南越志云晉康郡本屬蒼梧端
溪縣晉之咸康四年分置端溪縣古氓之營去郡上水
一百里又古茫石大而極高有樹冬榮子曰猪肪大如
枉其肉如肪炙而食之其味似猪肉而美甚焉有夫限
純音縣其俗柵居實惟里之氓落也民夷曰獬獬夷名也
又異物志云悅城縣北一百里餘有小中出燧石每歲
人採之琢為燒器民亦賴也

封州

封州臨封郡今即漢蒼梧郡之廣信縣也晉以前土地與
晉康郡同梁置梁信郡兼置成州隋平陳廢梁信郡改
成州為封州煬帝初州廢為封川縣屬蒼梧郡唐武德
四年平蕭銑復置封州天寶元年改為臨封郡乾元元
年復為封州

元領縣三

今二

封川 開建

州境

東西一百一十七里

南北二百九十四里

四至八到

北至東京水陸相兼五千里

西北至西京水陸相兼五千五百里

西北取桂州路至長安六千五百八十里

東至廣州五百餘里

西至梧州六十九里

南至康州一百三十里

北至賀州三百六十六里

東南至康州一百二十四里

西南至康州一百一十三里

東北至廣州遊水縣一百六十里

西北至梧州五十五里

戶

唐開元戶八百

皇朝戶主客共一千一百三十二

風俗

與康州同

土產

貢鮫魚皮

春紫筍茶

夏紫筍茶

榛牛

都落布

牛黃

封川縣 五州所理漢元鼎六年置廣信縣屬蒼梧郡在封

水之陽梁置梁信郡隋平陳改置成州隋末州廢為封
川縣移理封川口屬蒼梧郡唐武德初置封州于此縣
○豐壽山在縣東南四十里高一百三十丈多藏雷電
霹靂土人呼為霹靂山○麒麟山在縣北八十里高五
百丈以居人莫麒麟所居姓名名之○西江水在縣西
一百三十步源出邕州經潯融象柳等州入藤容梧至
富州合桂江水按南越志云漢元鼎六年自巴蜀徵夜
郎兵下牂牁會番禺即此水○封口水在縣北十四里
源出賀州馮乘縣經州界○班石山在縣東六十里其
石五色故曰班石山有風穴即類苑云風出蒼梧者草

多芳菊○龍石山出石膏○陳欽漢書云封川縣陳欽
字子逸漢武時治左氏傳故三輔決錄云元傳左氏遠
在蒼梧即欽也

開建縣北一百七十里今二鄉漢封陽縣屬蒼梧郡晉永嘉三年析

置開建縣屬南靜郡隋大業十三年因賊廢唐武德五
年依舊置仍隸封州○忠堂山在縣北七十里高六百
丈○波羅水在縣北二十八里出廣州潯水縣南流入
縣界○靈泉石在縣北二十里○萬家石在縣北五十
里

梧州蒼梧郡今秦屬桂林郡漢屬蒼梧郡即漢書云漢武帝元鼎六年開置也兼置交州領郡七理于此晉以後並因之梁初廢屬成州隋平陳改為封州煬帝初州廢屬蒼梧永平二郡地唐武德四年平蕭銑置梧州領蒼梧豪靜開江三縣貞觀八年割藤州之孟陵賀州之綏越來屬十二年廢豪靜縣天寶元年改為蒼梧郡乾元元年復為梧州

元領縣三

今二

蒼梧

戎城

廢一縣

孟陵

併入蒼梧

州境

東西一百七十里

南北三百五十六里

四至八到

西北至東京五千里

西北至西京五千四百里

西北取桂州路至長安六千三百里

東至封州五千里

西至藤州一百五里

南至儀州二百七十五里

北至賀州二百六十里

南北沿流至舊富州三百二十里

西南沂流至藤州一百里

東北至賀州四百一十里

正南微西至義州三百里

戶

唐開元戶一千一百六十

皇朝戶主一千一百八十八客四百九十九

風俗

南越志新寧縣多狸獠善為屏渠左太冲所謂戶有屏

渠又云賜夷之甲以錫箔飾之雜以丹漆照輝昱冕左

思所謂賜夷勃盧

人物

士變蒼梧人為交趾太守一弟合浦太守次弟鮪九真太守鮪弟武南海太守兄弟並為列郡震服百蠻尉佗不足踰也

土產

白石英

石栗

白粟

龍眼

荔枝

按地理志廣信縣多龍眼荔枝生于山溪人家亦種之

蒼梧縣

舊二鄉今六鄉

漢蒼梧縣治廣信縣即今州治也隋立蒼

梧州于此置郡。○白鶴觀在州西隅江壇側生白石英
唐開元二十七年置咸通末鄭畋自翰林承旨學士謫
官蒼梧太守增修觀宇臨江建水閣因題詩云松陰如
幄水如羅秋盡山青白鳥過獨坐一庵心正寂數聲何
處竹枝歌

戎城縣

南二十里舊二鄉今五鄉

本遂城縣屬永平郡隋開皇十一年

屯軍于縣南歌羅洞改為戎城縣屬感義郡唐永徽六

年復隸梧州

廢孟陵縣在州北九十里本漢猛陵縣蒼梧郡蕭銑借
號于此改置孟陵縣潯江

皇朝開寶四年併入蒼梧縣。○通星山在城外昔太守
劉曜嘗登之仰觀故以通星為名。○金石山在州東南
四里。○石乳山在州西四里。○石英山在州西桂江之
上生石英下有靈泉因置神祠。○鶴奔岡在州西一里
。○班石輿地志云廣信縣之東有孤巖上有斑石石皆
五色。○金坑孟陵縣古錢村有金坑三所。○火山直對
州城隔潯桂江水嶺表錄云梧州對岸西火山山形高
下大小如桂林。○獨秀山山下水澄潭其深無極其火
每三五夜一見于山頂每至一更初火起匝其頂如野
燒之甚者廣十餘丈食頃而息或言其下水中有寶珠

光照于上如火上有荔枝四月先熟以其地熱故名火山也核大而味酸其高新二州與南海產者甚佳五月六月方熟沈佺期嘗有詩云身經火山熱願入瘴鄉銷即此山也○冰泉在城內一郡人民皆飲此水唐大曆三年容州經畧使元結撰冰泉銘蒼梧郡城東二里有泉焉出在郭中清而甘寒若冰在盛暑之時蒼梧之人得以解渴泉與火山相對故命之曰冰泉以變舊俗銘曰火山無火冰泉無冰甘寒可徵鑄金磨

石篆刻此銘置之石上彰厥後生○三河口漢陳雉升為太守嘗釣魚于此○鯨魚池在州北一里○西安江

○夫雷江○銅石江○倒銅江皆郡邑之江水也○長洲在州西七里潯江心對戎城縣周迴六十里濶五里有居人百餘戶多以糠酒為業又土諺云郡中柑橘多被黑蟻所食人家買黃蟻投于樹上因相聞黑蟻死柑橘遂成○思良江在州北二十里一名多賢水其中鱈魚狀如鼉有四足長者二丈皮如鱖魚鱗南方謂之鱈魚亦以為鮓口長七寸兩邊生齒如鋸恒在山澗伺鹿亦能啖人故浴吸者徃徃遇害為乳于沙上卵如鴨卵或赤或白可食死後骨頭枯牙齒朽落隨更生如此一歲一生枯骨朽爛都盡則已○盧耽洞嘗時設祀頗有

靈昔耽仕為州治中有栖仙之術善解飛步每日夕輒
凌虛歸家晚則還州嘗元會至晚不至不及朝列化為
白鵝飛至閣前迴翔欲下威儀以帚擲之得一隻履耽
乃驚還就列內外左右莫不駭異時步騰為刺史意甚
惡之便以狀列聞遂至誅滅後載耽出遊年即還
莫有識之者乃題城門曰城郭雖存無時年欲知此書
盧耽還太守削之隨削而字更生焉○又搜神記云扶
南傳云扶南王范尋常養虎五六頭養鰐魚十數頭若
有犯罪者與虎不噬與鰐魚不噬乃赦之無罪者皆不
噬○又南越志云建陵縣在建水中因為名有山多鍾

乳及石英開烟採影潤連風雨○又猛陵縣西接永平
安析縣也山縈翠羽故周書王會篇曰云蒼梧翡翠亦
出于交趾○又新寧縣西接臨賀富川二縣有獨足鳥
喙脚皆赤藻縹相輝○又遂成縣有夫任山有巨人跡
文理明朗在山顶長三尺六寸山之東有銀穴里人常
採煉沙成銀○又廣寧故縣去郡東沿流有金鳥翰如
玉喙脚如金甌曰商羊水之神也○又思安縣去郡沿
流七百里北接廣信縣隔大江有石井泉源湧注而不
竭○又多竹竹醜苦也有黃苦竹白苦竹東越謂之高
苦竹也○又安析縣

突波羅樹生

絕石懸崖性至堅白壅腫盤結堪為器焉。又籠都縣
刺史陸徽所立有巨石四面峻嶮人謂之乳石以為
名也西北二百里。有孫皓分州立石之處。又丹城縣
西南有銅山有銅湖有硃砂銅銀也。又管石縣生管
石因以為名。今冷石也。古人鑿之為器用謂之五侯石

太平寰宇記卷第一百六十四

校勘

康州

魏序

唐武德四年分置南康州都督府

此接舊唐書地理志而書然武德初但置提督
七年方改為都督今恐誤又按新唐書地理志
置康州在武德六年元和郡縣志唐會要皆在
五年當改

瀧水縣

按南越志云晉康郡本屬蒼梧端溪縣晉之咸
康四年分置

按晉書地理志云穆帝置晉康郡今云咸康乃成帝時

古岷之營

按此文多舛謬古岷之營他本營或作云又古茫石他本或闕茫字又實惟里之岷落按太平御覽載沈懷遠南越志云晉康郡夫琅縣民夷曰獬其俗柵居寔惟里之域落又載南州異物志云廣州南有城曰俚與今記所載大意畧同而字畫訛誤者如里作俚岷落作域落之類今無此書可攷

太平寰宇記卷第一百六十五

嶺南道九

鬱林州 領廢牢堂平琴三州

賓州

澄州

象州 領廢嚴州

鬱林州

鬱林州 鬱林郡今理石南縣 秦為桂林郡漢改為鬱林郡後漢亦同

梁置定州又改為南定州隋平陳改為尹州煬帝初為

鬱州尋改為鬱林郡隋末廢唐麟德三年分貴容二州

置鬱州乾封元年改為鬱林州領石南興德鬱平等縣

天寶元年改為鬱林郡乾元元年復為鬱林州 皇朝

開寶五年併鬱平興德兩縣入興業縣為州治七年又併宥州之定川岩川二縣入南流縣又併虜州之容山懷義撫康善勞四縣入南流縣東屬鬱林州

鬱林州元領縣六

今二

興業

南流

二縣舊廢

石南

潭栗

二縣新廢

鬱平

興德

廢宥州元領縣二

定川

岩川

並併入南流

廢虜州元領縣四 並併入南流

容山

懷義

撫康

善勞

州境

東西九十里

南北一百三十六里

四至八到

東北至東京六千一百里

東北至西京六千五百里

北至長安取象貴州路六千六百里

北至貴州九十二里

東至容州一百五十里不通水路

南至容州陸川縣八十里

西至太平軍石康縣地名土竇分界五十七里

東南至舊寧州九十里

西南至太平軍永鄉界六十里

西北至貴州八十九里

東北至容州四十里

戶

鬱林州唐開元戶一千九百一十七口九千六百九十

九

廢寧州唐開元戶一千六百四十一口一萬一千七百

五十二

廢党州唐開元戶一千三百口七千四百

皇朝二縣管戶

鬱林州風俗 廢寧州與此同

夷人居山谷食用手搏酒名都林合糟共飲夜泊以縱
媯死則打鼓助哀孝子尤悲悲泣刻木契焉

廢党州風俗

古党洞夷人索婦必令媒人引女家自送相見後即放
女歸家任其野合胎後方還前生之子例非已胤女以

鳥色相間為裙用緋點綴裳下或腰領處為妬艷男推
髻女散髮徒跣吹笙巢居夜泊

土產

貢布

興業縣舊二鄉今四鄉本石南縣地唐乾封元年置今為州理所

○廢石南縣漢鬱林郡之地梁置定州陳置石南郡隋

改為縣初置于此○廢潭栗縣已上二縣舊廢○廢鬱

平縣隋縣屬貴州後來屬在興業唐武德四年分鬱林

置已上二縣 皇朝開寶七年併入興業○北斗山在

州西北十五里○東斗山在州東北十二里

南流縣

東南九十里舊唐武德四年析容州北流縣置屬

容州貞觀十一年改智州為宥州以縣來屬 皇朝徙

于定州水口為理○廢宥州本定川郡理南流縣秦為

象郡地二漢屬日南郡吳省晉平吳復置宋分置南流

郡齊梁為定川郡隋屬合浦郡唐武德二年于今夷州

義全縣置義州五年改為智州貞觀十二年改為宥州

以牢石為名天寶元年改為定川郡乾元元年復為宥

州本蜀郡徼外蠻夷地漢牂牁郡地○廢定川縣在廢

州西四十五里○廢岩川縣已上二縣是貞觀十一年

分南流縣置 皇朝開寶七年同廢入南流○牢石高

四十丈周迴二十里州因此為名○馬援營○平烏石
○獸頭石已上皆郡界之山名○廢党州本寧仁郡理
善勞縣即古西甌所居秦置桂林郡漢為鬱林郡唐置
党州或為寧仁郡與平琴州全土俗西至平琴治所二
十里建中二年廢平琴州入理容山縣其善勞縣在容
山縣東二十里○廢善勞縣舊党州之理所○廢撫康
縣在廢州東十五里○廢容山縣曾為党州之治所○
廢懷義縣在舊州西北二十里已上四縣與州同置
皇朝開寶七年同廢入牢州南流縣屬鬱林州○京觀
征古党洞殺俘虜處○北有漸大山狀如寶塔一曰寶

塔山○火龍山山形似龍已上並廢党州之事○廢平
琴州本平琴州理容山縣漢鬱林郡地唐置平琴州建
中十二年併入党州元領容山懷義二縣尚列于廢党
州其福陽古符二縣已絕基趾舊長慶時管戶七百四
十西至鬱林州九十里東至党州二十五里其蚕歲入
熟多翡翠孔雀其地近海○鮫魚狀如團扇口在腹下
而方尾間有刺傷人甚毒皮裝刀靴○鱈魚狀如鼉四
足身長二丈口長四尺齒如鋸食人為窠生卵如鶩子
大死後骨已枯蓋落更生朽盡始止○猩猩郡國志云
封溪有猩猩如黃狗人面善言音聲似婦人○蚪蛇長

十丈以婦人衣投之則蟠牙六七尺寸辟不祥。○沈懷遠南越志云鬱林郡其地常隆隆有聲音如踐空地又鬱平縣有石井半甘半淡俗名司命井井周給闔境也又南有石室空開虛映皎潔凝明中有石人石床可容百許人坐北有山枕倚相望塵境亘寧越鳥澗之民。○栴榔樹如椶櫚高七八丈無枝柯上有許葉正月結房一房二百餘子花甚香每生即落一穉、堪為扇至五月熟大如雞子以海蟲殼燒作灰名曰蛤奔反共扶留藤葉和而嚼之香美除口氣久食令人齒黑故南中有雕題黑齒之俗。○椰子樹似栴榔而高大葉長一尺無

陰陽結實一房生三十餘子如瓜其殼中有肉如熊白味似胡桃肉有漿汁一升清如水甜如蜜飲之愈渴殼堪為酒器皮堪縛船土人多種。○人面木春花夏實秋熟皮味甘酸實有核似胡桃兩面如人面。○龍眼木實大如彈子肉大甜也。○栴榔木似椶櫚心中出面。○益智子似蘆薑香如荳蔻。○犀牛角在額上其鼻上又有一角食荊刺冬月掘地藏而出鼻辟不祥。○銅船郡國志云馬援造銅器船濟海既歸付程安令沉于渚天晴水澄往、望見舟楫上恒似有四寸水不知幾十丈也一名越王船

賓州

賓州

安城郡今理嶺方縣

古越地秦桂林郡也漢改桂林為鬱林又

為鬱林郡之嶺方縣自漢及隋並無嶺方縣地唐貞觀

五年析南方州之嶺方思干琅琊三縣南尹州之安城

凡四縣置賓州十二年省思干縣天寶元年改為安城

郡至德二年改為嶺方郡乾元元年復為賓州 皇朝

開寶六年州廢省琅琊保城二縣入嶺方一縣隸邕州

當年復置賓州從本部民之所請也

元領縣三

今一

嶺方

二縣廢

琅琊

保城

州境

東西

南北

四至八到

東北至東京五千里

東北至西京五千五百三十五里

北至長安五千五百一十五里

西北至邕州二百四十五里

西北至澄州八十八里 通典云一百二十里

南至淳州二百五十里

東至貴州二百二十五里

東至貴州潮水縣界九十七里

東北至嚴州一百九十里

東北至象州三百二十里

北至象州武化縣馬嶺為界一百里

戶

唐開元戶一千九百七十六

皇朝戶主客五百四十七

風俗

嶺外邑居猶有冠冕之風其姓陸者績之遺嗣尚有銀章青綬銅虎符鄉宗重之皆云績物也說文曰緇青綬也其俗有禮會擊皮鼓吹葫蘆笙以為樂

土產

貢藤竹

生思磨竹

思禮竹

蠟蝟虫

郡國

志云形如彈新美可食子如蚕種着草葉中得其子則母飛來就謂之青鳧束哲云青鳧可以還穀或云

青蚨

錦鳥

似雀而大

又有丹翠鳥

嶺方縣

七

漢舊縣屬鬱林郡唐武德四年屬南方州貞觀

五年改為賓州。廢琅琊縣在州東二十里唐武德四

年析嶺方縣置○廢保城縣在州東八十里梁置安城縣于此唐至德二年改為保城縣已上二縣 皇朝併入嶺方縣

澄州

澄州

理水郡今

漢鬱林郡嶺方縣地唐武德四年平蕭銑

置南方州領無虞琅琊思干上林止戈賀水嶺方七縣

貞觀五年以上林止戈琅琊嶺方屬賓州八年改南方

州為澄州天寶元年改為賀水郡乾元元州復為澄州

皇朝開寶六年併為上林一縣屬邕州當年復置徙

本部民之請也

元領縣四

今一

上林

三縣廢

止戈

無虞

賀水

已上入上林

州境

東西

南北

四至八到

東至東京四千里

東至西京四千六百九十五里

北至長安五千六百三十五里

東至賓州一百六十五里

東南至賓州八十八里

西南至邕州二百四十里

東至嚴州二百二十六里

西北至泰州四百三十五里

戶

唐開元戶一千八百二十

皇朝戶

風俗

與柳州同

土產

貢金銀

上林縣三州理所漢嶺方縣地唐武德四年析置上林縣

○廢止戈縣在州西八十里本漢嶺方縣地○廢無虞

縣在州東北三十七里唐武德四年析嶺方縣置○廢

賀水縣在州東北一十里唐武德四年析柳州馬平縣

置已上三縣 皇朝併入上林○博邗山○羅富山○

賀水○武齊水○吉東水已上皆郡邑之山水也

象州

象州象郡今理 秦屬桂林郡地二漢屬鬱林郡吳又分置

桂林郡晉宋齊皆因之隋平陳置象州因象山以為名
煬帝廢州為始安郡之桂林縣唐武德四年平蕭銑復
置象州領陽壽西寧桂林武仙武德五年
省西寧割廢晏州之武化長風來屬天寶元年改為象
山郡乾元元年復為象州 皇朝開寶元年廢嚴州併
歸化縣入來賓縣屬象州

象州元領縣三

陽壽

武化

武仙

廢嚴州元領縣二

今一

來賓

割屬象州

一縣廢

併入來賓

歸化

州境

東西四百二十七里

南北二百五十七里

四至八到

北至東京四千二百六十里

北至西京四千六百八十五里

北至長安五千九百二十五里

東至夔州二百六十五里不通馬

西至柳州馬平縣二十七里

南至貴州五百里

北至柳州象縣一百六十里

東南至潯州桂平縣一百五十里

西南至澄州界二百一十七里

東北至西唐州一百九十里

西北至柳州二百里

戶

象州唐開元戶五千五百

廢嚴州唐開元戶一千八百五十九

皇朝戶一千一百三十四客一千三百六十

風俗

與繡州同

土產

人面子樹葉似龍眼而長也 有古紵 俚人績以為布

尚書云島夷卉服此也

陽壽縣

舊二鄉今四鄉

漢中留縣地屬鬱林郡吳于縣置鬱林郡

又改為桂林郡隋改為象郡仍改中留為桂林縣唐武

德四年改為武德縣于縣界置象州貞觀中移州于武

化天寶元年八月改武德為陽壽大曆十一年復移州

歸陽壽縣即今理

武化縣

東六十里舊漢潭中縣地屬鬱林郡隋置建陵縣四鄉今二鄉

屬桂州唐武德四年析建陵置武化縣屬晏州貞觀十

一年廢晏州來屬仍自武德縣移象州于縣置非秦之

象郡秦象郡今合浦縣也大曆十一年移州歸壽樂宜

舊城○程即水一名思傍水在邑界

武仙縣

東北九十里舊五鄉

唐武德四年析桂林置○仙人山嶺表

至象州武仙縣舊有神仙集衆高山羽駕時見如建州

武夷山皆有仙人換骨玉存○象山在州城西岸去城

五里高四十丈其形如象因小得名○銅鼓瀨又有銅

鼓山在郡界○浣泥溪雜夷山居之所○鬱林水合鬱

水出相陵南山已上皆郡邑之山水○風母獸似猿無

尾眼赤見人則低頭藏面如似有罪輒向人叩頭打死

人開其口向風便生異物志云謂之平猴○鼠獸長四

尺馬蹄牛尾如猿有兩乳其聲如嬰兒一母唯一子其

溺地一瀝成一鼠出則歲灾○苦姑鳥聲如人音多懷

慘悽異物志謂之苦姑鳥○懶婦獸異物志云昔有懶

婦織于機中常睡其姑以杼打之忿死今背上猶有杼

文瘡痕大者得膏三四斛若用照書及紡績則暗若以

會衆賓歌舞則明

來賓縣

西一百五十里舊二縣四鄉今二鄉

元屬嚴州與州同置 皇朝開

寶七年廢嚴州併歸化入來賓縣屬象州。牂牁水郡國志云嚴州州門有長水深八丈從牂牁流下。廢嚴州荊州禹貢之域漢武帝平南越即象郡之地也。歷晉宋齊梁不改後為獠所據唐乾封二年招致生獠置嚴州及二縣地在嚴岡之側因為名天寶元年改為修德郡乾元元年復為嚴州。廢歸化縣與州同置亦同廢

太平寰宇記卷第一百六十五

太平寰宇記卷第一百六十六

嶺南道十

融州

邕州

貴州

橫州

領廢巒州

田州

舊廢

山州

舊廢

融州

融州融水郡今隋始安郡之義熙縣唐武德四年平蕭銑

置融州復開皇舊名領義熙臨牂黃水安修四縣六年

改義熙為融水貞觀十三年省安修入臨牂天寶元年

改為融水郡乾元元年復為融州

元領縣二

今三

場一

融水 武陽

羅城 新割

沛溪場

州境

東西三百六十二里

南北九百三十七里

四至八到

東北至東京四千七十二里

東北至西京四千四百七十里

北至長安取桂州路五千二百七十里

東至柳州洛容縣界三百一十里

西至宜州東零縣界二百里

南至柳州二百三十里

北至叙州一千六百里以朗溪縣分界處即水路三百

八十五里

東南至柳州龍城縣界一百五十里

東北至桂州古縣場界一百里

西北至古州水路八百九十里

西南至宜州三百五十里

戶

唐開元戶一千三百三十三

皇朝戶主一千八百零七百一十八

風俗

與柳州同

土產

今貢

桂心

苧密布

融水縣

舊二鄉今無本漢潭中縣地宋永嘉七年置齊興

融水在州北六百里連

縣唐武德六年改為融水縣。融水在州北六百里連

接叙州朗溪縣界。潭溪水源出叙州西界。潭溪江

出黃水縣西北當麗山

武陽縣

今西南八十里三鄉

舊黃水臨牂二縣隋開皇十九

年析融水縣置後併合為武陽縣。古黎山在州一

百一十里連宜州界古浚水出其下。武陽水在縣東

南流一百里會潯溪經柳州

羅城縣

西南九十里無鄉管七里

皇朝開寶五年割到國經上不言

州

沛溪場

西北一百本融水縣沛溪洞以其偏遠輸賦甚艱

故置場以便于民

管羈縻州一

樂善州在縣西北一百五十里皇朝雍熙二年歸化

邕州

邕州

朗寧郡今古南越地秦為桂林郡地漢改桂林為鬱

林郡又為鬱林之嶺方縣地晉置晉興郡隋開皇初廢
郡為宣化縣屬簡州大業三年廢以縣屬鬱林郡唐武
德四年于此置南晉州領宣化一縣貞觀六年改為邕
州近邕溪因名乾封二年置都督府天寶元年改為朗
寧郡乾元元年復為邕州長慶二年以安南經畧副史
崔為刺史充本州經畧等使自此邕州獨置經畧使
其州邊在鬱江百姓先居一岸每年秋夏江水泛溢郭
邑沉溺景雲年中司馬呂仁高于南岸引開小水若有
泛溢分流而通不沒人家今百姓兩岸分居晉天福七
年改為誠州以避廟諱漢初復舊 皇朝平廣南後開

開寶五年廢朗寧封陵思籠三縣入宣化武緣如和三
縣立太平興國二年邕州上年管内左江潯洞七源州
狀稱廣源武勒南源西農萬注覆和温弄等州古拂八
耽二峒計十處首領乞依七源州例歸屬當州輸納租
稅朝廷因授首領官今為建武軍節度

元領縣八 今五

宣化 樂昌 武緣 如和

上林

三縣廢

朗寧 入宣化 思籠 入如和 封陵 入武緣

州境

東西八百八十里

南北三百七十里

回至八到

北至東京五千里

北至西京五千三百二十七里

北至長安五千三百二十七里

東水路至舊巒山三百四十二里

西水路至舊田山六百四十二里

南至舊濠州二百八十里

北至舊澄州二百七十六里

東南陸路至欽州三百二十五里

西南至田州六百四十二里

西北陸路至恩州四百九十二里

東北至賓州二百五十七里

戶

唐開元戶二千八百九十

皇朝戶主客五千九百五十

風俗

今鄉村皆戴白頭巾邕州圖經云俗怯吝澆薄內險外
蠢椎髻跣足尚雞卜及卵卜提色已音俚獠有四色語各

別譯而方通也又在州晉城縣蠻渠歲時於石溪口通商有馬會說文云馬會今之獠布以竹及為塩不事五味

土產

苧麻 蚺蛇胆 越鳥 飛生鳥 荔枝

枕柳 橄欖子 木威 鼓公 邕州有鼓公大如犬而色白黑

鵲姑 有青鵲如雞即鵲姑

飛虫博物志云晉興郡有飛虫大如麥或云有甲嘗伺病者居舍上候人氣絕便入食之雖撲殺不止如風雨之至肉盡便去貧者或殫殮不時皆受此弊虫畏梓木

有物力者以梓木板掩之兼用為器虫不入也桂林寧浦二郡亦有之

懶婦獸南越志云晉城縣有懶婦古有織女卧機上其姑怒之遂忿赴水姑遂以杼投其背化為此獸今背上

有文如杼形大者可得脂三斛燠之照鏡績即暗照歌

舞即明習懶之性化而不革

宣化縣 五 今州所理漢嶺方縣地屬鬱林郡秦為桂林郡

地。觀水在縣北本牂牁河俗呼鬱林江即洛越水也亦名温水古駱越地

樂昌縣 東北六十 本晉之晉興郡隋改為縣 皇朝開寶

五年改為樂昌縣南越志云晉興郡泉源與寧都建興
二郡分境陶侃既開此郡貢賦由是日盛有陶侃碑

武緣縣

東北六十里二鄉隋廢唐武德五年復置

如和縣

西南九十二里開豁峒漸置

上林縣

北二百七十二里廢朗寧縣在州西北八十里○廢思

籠縣在州西南三百里○廢封陵縣在州東一百里○

都茗山在縣西六十里其山出茶土人食之因呼為都

茗山○思玉山在府東六十里其山有石似玉名為思

玉山○一橫山在府西四百里周迴五百里其山橫截

江河故名○都籠山在府西北九十里周迴二百四十

里連大山石壁山險內平外峻號為都籠石○左水源

從籠州出六百里流入鬱江○武離水在府西源出

常思州五百八十里西流入左江○右水源出西北田

州流入鬱江○羅陸水在府西二百里水源出文身野

老北流入左江○滑龍水在府西一百五十里水源出

澄州止戈縣南流入左江○鬱江在府西源從左右江

入鬱水流百里入府城三百四十二里流入蠻橫貴龔

梧封康端廣等一十一州入于南海○如和水在府西

南五十里源出如和縣並架為陂○邕水在府西北六

十里北流入鬱水源出欽州安水縣○小武緣水在府

東一百九十六里。如離水在府東四十五里南流入可邏水並架為陂。都轄水在府東北六十里南流入可邏水並架為陂。元有大石高一丈遙望巍峩連延數里。可邏水在府東八十七里源出封陵大山南流入鬱水。大武緣水在府東一百八十三里源出濱州界流入鬱江。

以上邕州所管山水

管羈縻州

漾州在邕府南陸路二百八十二里管縣四鄉九
左州在西水路三百里管縣五鄉十

思誠州在西陸路四百五十里管縣三鄉十
田州在西北水路五百五十里管縣三鄉五
歸樂州在西北水路七百二十三里管縣七鄉九
龍州在西北水路八百三十二里管縣七鄉二

右六州舊羈縻州先屬桂府景雲元年八月

割入邕州

譚州在西水路三百五里管縣四
石西州在西水路一千二百里管縣七
七源州在西水路二千六十五里管縣五
思恩州在西陸路四百九十里

右四州險 不屬都督府檢校戶口既多青
龍二年十月勅邕州置都督府管上件州卓
牌

鷓州在西北陸路一千二里管縣七

右件州屬桂管內近邕州西北遠屬桂州不
便司馬呂仁高奏景雲二年勅屬邕州

左州

思誠州

譚州

渡州

籠州

七源州

思明州

石西州

上思州

思琅州

同恩州

波州

負州

以上左江道

思恩州

鷓州

歸樂州

思剛州

武峩州

倫州

萬德州

蕃州

昆明州

楚鳳州

侯唐州

歸恩州

田州

萬承州

邛饒州

歸誠州

武龍州

以上右江道

右件並是羈縻卓牌州承前先無朝貢州縣城
隍不置立司馬呂仁高唐先天二年奏奉勅差

副使韋道禎勝崇黃居左等巡諭勸築城隍其
州百姓悉是雕題擊菴畫面文身並有赤視生
獠提色相雜承其勸諭應時修築自後毀壞不

復重修

貴州

貴州懷澤郡今虞舜暨周並為荒裔秦并天下畧定揚越

立桂林郡以謫人徙之輿地志云故西甌駱越之地秦

雖立郡仍有甌駱之名漢志武帝元鼎六年改秦桂林

郡為鬱林郡輿地志梁武帝以鬱林郡為桂州後割桂

州之鬱林寧浦二郡立定州後改為南定州隋開皇九

年平陳十年罷南定州為尹州唐武德四年平蕭銑置

南尹州總管府管南尹南晉南簡南方南藤容越繡九

州南尹州領鬱林馬嶺安城鬱林石南桂平嶺山興德

潮水懷澤十一縣五年以桂平屬鬱州嶺山屬橫州貞

觀五年以安城屬賓州七年罷都督九年改南尹州為

桂州天寶元年改為懷澤郡乾元元年復為貴州

元領縣四

今一

鬱林

三縣廢

懷澤

潮水

義山

州境

東西一百五十里

南北一百二十里

四至八到

北至東京五千里

西北至西京五千四百里

西北至長安五千八百九十里

東至潯州一百五十里舟行下水三日程

西至橫州一百五十里舟行上水四日

南至鬱林州一百六十里無水路

北至象州二百五十里水路轉潯州却上水八日程

東南至容州普寧縣一百五十里無水路

西南至康州石康縣二百五十里無水路

東北至象州武仙縣一百四十里水路轉潯州却上水

計六日程

西北至嚴州來賓縣二百六十里水路轉潯州上水一

十二日程

戶

唐開元戶三千二十六

皇朝戶主客共五百一十四

風俗

風俗多何膝黃陸等姓以水田為業不事蚕桑以唱歌為樂死以木鼓助喪又郡連山數百里有俚人皆以烏澣諸夷率同一姓男女同川而浴生首子即食之云宜

第居址接近墓同一坎謂之合骨非有戚屬大墓至百餘棺凡合骨者則去婚異穴則聘女既嫁便缺去前一

土產

葵山多葵葉堪為笠

金銀鉛作貢

古貝布古貢

鬱林縣

元四鄉今三鄉

漢廣鬱縣地屬鬱林郡古西甌駱越所居

後漢谷永為鬱林太守降烏潯人十萬間置七縣此鬱

林縣也在鬱江之西○廢懷澤縣在州南一百五十里

宋廢縣唐武德四年又置○廢潮水縣在州西五十里

唐武德四年分鬱林縣置○廢義山縣在州北八十里

唐末置已上三縣

皇朝開寶五年廢入鬱林縣○馬

嶺山南中志云山嶠多虺其毒殺人冷石可以解之

屑著瘡內即活○烏潯夷異物志云烏潯南蠻之別名

也巢居鼻飲射翠取毛割蚌求珠為業無親戚重寶貨

賣子以接衣食若無賈客易子而烹之○泥牛郡有洞

池周十數丈下有石牛時出泥間旱歲殺牛祈雨以血

和泥置石牛背上祈畢便雨泥盡則晴以為常○藉細

布一疋鬱林布比蜀黃潤古稱云笥中黃潤一端數金

淮南子云弱錫細布也漢書云白越即此布也○銅符

俚人滕氏有竹使銅虎符傳云漢朝所假至今存○顯

朝岡孫權統事陸績為奏曹掾以直道見憚出為鬱林太守加偏將軍績意在儒雅雖有軍事而著述不輟每造此岡制渾天圖○司命井半甘半淡潛通江波冬夏常盈闔境之人用以日給按其井水竭即土人疫稼穡不登以為候○提石山○龍石山○石室山○溫水○香溪水○羅舍溪水○馬度山一名馬嶺山已上皆郡之山水

橫州

橫州 寧浦郡今古越地秦象郡地漢為合浦郡之高涼縣地高涼縣今在南州界吳錄云吳以合浦北郡為寧浦

郡廣州記云吳分鬱林郡置隋開皇十年廢寧浦簡陽二郡仍于此置簡州十八年又改簡州為緣州煬帝初廢以地屬鬱林郡之寧浦縣唐武德四年置簡州領寧浦樂山蒙澤淳風嶺山五縣六年改為南簡州貞觀元年改為橫州以橫槎為名天寶元年改為寧浦郡乾元元年復為橫州 皇朝開寶五年併淳風樂山嶺山三縣入寧浦縣又廢靈州武羅靈竹二縣入永定一縣隸當州

橫州領縣四

今一

寧浦

三縣廢

從化

樂山

嶺山

已上三縣併入寧浦

廢巒州元領縣三

今一

未定

二縣廢

武羅

靈竹

已上二縣入未定

州境

東西二百四十五里

南北二百五十里

四至八到

北至東京四千二百一十里

北至西京四千四百五里

北至長安五千一百三十五里

西至邕州界二百二十里

東至貴州界八十里至廣州一千一百一十五里

南至欽州界一百二十里

北至賓州抵大山無路約二百六十里

東南至大江五十步

西北至賓州一百五十三里

西南至欽州一百七十五里

東北至貴州一百三十五里

戶

橫州唐開元戶一千九百二十一戶

廢巒州唐開元戶七百七十

皇朝管二縣戶一百五十九

風俗

三梁故縣烏許所巢

土產

金

寧浦縣

去州一百六十四步舊五鄉今三鄉

漢廣鬱縣地隋煬帝置寧浦縣

屬鬱林郡唐武德復置橫州縣來屬○廢從化縣在州

東北九十里漢高涼縣地唐初置淳風縣永貞元年十

月以犯憲宗廟諱改為從化縣○廢樂山縣在州東南

一百七十六里水路八十里漢高涼縣地隋置樂山縣

○廢嶺山縣在州西一百里此縣見貞元錄已上三縣

皇朝開寶五年併入寧浦縣○南越志云寧浦地名

金城○寧洲 名案降去蜀二千里號曰中蜀○烏蠻

山在州東八十里烏蠻所居○簡陽嶠在郡界○蘇摩

嶠董奉死後人見于此○鳴石山山海經云長石之山

洪水出焉山多鳴石即此也

永定縣

西七十里舊二鄉今三鄉

元屬巒州與州同置○廢巒州今永

定縣理是也本永定郡秦桂林郡地唐武德四年置淳
州天寶元年改為永定郡乾元元年復為淳州永貞元
年避廟諱改為蠻州以郡內最多山蠻為稱○廢武羅
縣在舊州北七十里○廢靈竹縣在舊州東九十二里
縣與州同置 皇朝開寶五年與州同廢併入永定縣
却屬橫州

田州 唐貞元時已廢

田州 橫山郡今土地與邕州同唐開元中置天寶元年改
為橫山郡乾元元年復為田州

元領縣五

都救

惠徃 鄉一

武籠 鄉一

橫山 鄉一

如賴

已上五縣與州同置

戶

四千一百六十八

山州

唐貞元時已廢

山州 龍池郡今土地與嚴州同唐開元中置天寶元年改
為龍池郡乾元元年復為山州

元領縣二

龍池

盆山

已上二縣與州同置

戶

一千三百二十

已上二州屬邕州都督

太平寰宇記卷第一百六十六

校勘

橫州

寧浦縣

寧洲

本文寧洲名寧降疑為一名寧降闕以俟攷

